

**P**HILosophi multis in locis duorum meminere lapidum gratis  
nobis datorum, ut Isaac, Arnoldus & alii, inter quos Avicenna  
dicteos in stercore jacere abjectos, neglectos vulgo, qui si conju-  
gantur, perficiant magisterium: Quidam attollunt Mercurium oc-  
cidentalem, qui prætulit se auro & illud vicit? Verum omnium o-  
ptimè Author cōsili conjugi solis & lunæ ex Aristotelis Epistola bi-  
nos describit lapides, ubi dicit: *Quod hujus artis duo sunt lapides principales, albus & rubeus mirabilis naturæ: Albus in occasu solis incipit apparere super facies aquarum, abscondens se usque ad medium noctem & postea vergit in profundum: Rubeus verò ex opposito operatur, quia incipit ascendere super aquas in ortu solis usque ad meridiem & postea descendit in profundum.*  
Hi itaq; lapides sunt ante dictæ aq; à Jove Delphis emissæ; Hi quo-  
ques sunt lupus & canis, ex diversis seu oppositis terræ plagiæ venien-  
tes, quorum unus momordit alterum, & ambo rabiosi facti sunt, vel-  
ut testatur Rhasis in Epistola: Hi lapides sunt verissimum Bezoar  
ex quibus præstantissimum mittit India Orientalis ex ferarum  
ventre de promptum, aliud sed minoris efficaciam dat India Occi-  
dentalis, Peruana, ex cicuribus animalibus acceptum; Sic oriens  
dat lupum atrocissimum, occidens canem hominibus familiarem,  
hoc est, Sulphur ab Eoo, Mercurius ab Hesperio tractu venit; ex  
quibus hic mollis & tractabilis, illud cholericum & iracundum exi-  
stit: Qui duo quām primum se invicem offendunt, in mutuos mor-  
sus incidunt: Canis verò magnitudine insignis primam victoriam  
obtinet prostrando lupum & semianimum reddendo: At lupus vi-  
res recolligens post canem dejicite eique dejecto instat usque ad in-  
ternacionem; Interim non minora vulnera nec minus lethalia, quā  
intulerat cani, ab eo recipiens, donec se mutuis conficiant & interi-  
mant morsibus: De lupo Rosinus ad Euthiciam, inquit quod sit miles  
victor duorum roboratus multiprecii & intensissimi roboris, perforas corpo-  
ra, cum iis obviat, & est albus apparitione, rubeus experimento, estq; mas  
qui lunam duxit in uxorem, quem non nulli putant aurum esse preciosissimam  
cōexionis, cuius congelatum nunquam dissolvitur, neque vestigia delentur  
quod Deus sanctis Philosophis & electis largitus est: Scito, quod natura cepit  
com-